

摘藻堂四庫全書薈要

史部

欽定四庫全書薈要

史部

御批歷代通鑑輯覽卷八十八



詳校官原任主事
臣李斯咏

欽定四庫全書薈要卷七千五百四十一

御批歷代通鑑輯覽卷八十八

宋



皇帝

名春

本名伯琮更名璵又
更名瑋後定名春

太祖六世孫子偁之子

太祖少子秦王德芳生英國公惟憲惟憲生新興侯從
郁從郁生華陰侯世將世將生慶國公令諱令諱生子
偁是為母張氏高宗建炎元年生帝於秀州子偁官
嘉興丞

秀王 生帝于杉青牖之官舍紅光滿室如日正中

杉青牖今曰杉青堰在嘉興府秀水縣東北高宗無

子選育宮中

事具前

後遂立為皇太子受內禪即位

癸隆興元年

金大定三年

春正月以史浩為尚書右僕射同

平章事兼樞密使

先是詔議應敵定論洪遵

字景嚴
時仲子

金安節

字彥亭
休寧人

唐文

若

字立夫眉山人
庚之子

相繼論列宰執獨無奏帝以問浩浩

奏先為備禦是為良規倘聽淺謀之士興不教之師

寇去則論賞以邀功寇至則斂兵而遁跡謂之恢復

得乎既而浩獻策以布衣李信甫為戶部員外郎齎

孝宗初召張浚
謂用之意甚殷
既曰倚魏公如
長城人曰雖乞
去之章曰上朕
決不許賜書又
有須與御終之
之語若深相倚
任者何以福州
之命去之曾無

蠟書間道往中原招豪傑之據有州郡者許以封王

世襲其所措置止此而已

考此條續綱目係於張浚
遣邵宏淵等出師條下今

依宋史史浩本

傳改輯于此

以張浚為樞密使都督江淮軍馬開府建康

先是浚薦陳俊卿為宣撫判官帝召俊卿及浚子栻

字敬夫

赴行在浚附奏請帝臨幸建康以動中原之心

用師淮壩以為吳璘聲援帝見俊卿問浚動靜飲食

顏貌曰朕倚魏公如長城不容浮言搖奪遂有是命

難色及處允大
宣撫四川且戒
以無效張浚迂
濶又若夙所憎
疾者然何前後
矛盾若此蓋其
始不過博取恢
復美名藉以虛
張聲勢後覺事
竟難成遂無所
顧惜其情遂不
覺流露真是無
定見耳

浚開府江淮參佐皆一時之選拭以少年內贊密謀
外參庶務其所綜畫幕府諸人皆自以為不及及入
奏事因進言曰陛下上念祖宗之仇耻下問中原之
塗炭惕然于中思有以振之臣謂此心之發即天理
之所存也願益加省察而稽古親賢以自輔
使無少息則今日之功可以立成帝大異之

三月金人以書徵海泗唐鄧商州之地及歲幣

先是金人十萬衆屯河南乃言規取兩淮及是赫舍
哩志寧以書抵張浚欲凡事一依皇統以來故約不

然請會兵相見且遣富察圖們

舊作蒲察徒穆
今改後仿此

達周

仁

舊作大周
仁今改

屯虹縣

唐縣今屬江
南鳳陽府

蕭琦屯靈壁

本零
壁鎮

宋置縣改靈壁
今屬鳳陽府

積糧修城為南攻計

以辛次膺

字起季
萊州人

同知樞密院事

初次膺為右正言力諫和議為秦檜所怒流落者二
十年帝即位召為中丞次膺每以名實為言多所裨
益帝呼其官而不名若成閔之貪饕湯思退之朋比
葉義問之奸罔皆被論罷每章疏一出天下避之渡
江以後直言之臣稱次膺為首未幾遂參知政事

夏四月張浚使李顯忠邵宏淵分道出師

帝銳意恢復張浚入見乞即日降詔幸建康帝以問
史浩浩力陳不可及退詰浚曰帝王之兵當出萬全
豈可嘗試以圖僥倖復辨論于殿上浚因奏浩意不
可回恐失機會且謂金人至秋必為邊患當及其未
發攻之帝然其言乃議出師渡淮三省樞密院不預
聞會顯忠宏淵亦獻搗虹縣靈壁之策帝命先圖二
城浚乃遣顯忠出濠州趨靈壁宏淵出泗州趨虹縣
五月史浩免

陳康伯非主和
之人于史浩本
不同其味浩之
入對將康伯與
浚並從譏毀心
曲可知則所謂
馬用相為之語
正欲激之同去
姑以交相倚重
之言括之耳居
心叵測若此豈
特鄙夫不可與
事君哉

省中忽見邵宏淵出兵狀始知不由三省徑檄諸將
浩語陳康伯曰吾等俱兼右府而出兵不預聞焉用
相為哉不去何待入對因奏陳康伯欲納歸附人臣恐
他日必為子孫憂張浚銳意出師若一失之後恐陛
下不得復望中原因力丐免侍御史王十朋
清人論浩懷奸誤國等八罪遂罷浩知紹興府
字龜齡溫州樂

紹興密通行都浩嘗為屬吏賊檄彰聞何顏復見其吏民遂改興祠

李顯忠復靈壁遂會邵宏淵復甌縣金將士多降

顯忠自濠梁渡淮至陡溝

在鳳陽府靈璧縣南澮水之支流也

金右翼

都統蕭琦用拐子馬來拒顯忠與之力戰遂復靈壁
顯忠入城宣布德意不戮一人于是中原歸附者接
踵宏淵圍虹久不下顯忠遣靈壁降卒開諭禍福金
守將富察圖們達周仁皆出降宏淵恥功不自己出
會有降千戶訴宏淵之卒奪其佩刀顯忠立斬之由
是二將不和未幾蕭琦復降于顯忠

張浚渡江李顯忠大敗金人復宿州

顯忠兵傳宿州城金人來拒顯忠大敗其衆追奔二十餘里宏淵至謂顯忠曰招撫真關西將軍也顯忠閉營休士為攻城計宏淵等不從顯忠引麾下將上城開北門不踰時拔其城宏淵等殿後趣之始渡濠登城城中巷戰又擒斬數千人遂復宿州中原震動捷聞帝手書勞張浚曰近日邊報中外鼓舞十年來無此克捷既而宏淵欲發倉庫犒卒顯忠不可移軍出城止以見錢犒士士皆不悅詔以顯忠為淮南京

東河北招討使宏淵副之

帝率羣臣詣德壽宮上壽

天申節也歲以為常

李顯忠邵宏淵之師潰于符離

注見前

金赫舍哩志寧自睢陽引兵攻宿州李顯忠聞志寧

軍止萬人心易之

顯忠曰當令十人執一人日與降人置酒高會考續綱目于此下

作顯忠擊却之今採金史赫舍哩志寧傳改輯

會金博索

舊作李撒今改後仿此

復自

汴率步騎十萬來薄城下列大陣顯忠謂宏淵併力

夾攻宏洲按兵不動顯忠獨以所部力戰

統志李福統領李保

各以所部退避顯忠皆斬以徇

俄而金兵大至顯忠用克敵弓射卻

之宏洲謂衆曰當此盛夏搖扇于清涼且猶不堪況

烈日被甲苦戰乎人心遂搖無復鬪志諸將各遁

中軍

統制周宏鳴鼓大譟揚言敵兵至與邵世雍劉忱各以所部兵遁繼而統制左師洲統領李彥孚亦遁

顯

忠移軍入城

統制張訓通張師顏蒞澤張洲等以顯忠宏洲不防皆遁去

金人乘虛

復來攻顯忠竭力捍禦斬首二千餘城東北角金兵

已上顯忠取軍所執斧砍之始退却顯忠嘆曰若使

諸軍相與犄角自城外掩擊則敵兵可盡敵帥可擒
河南之地指日可復矣宏淵又言金添生兵二十萬
來倘我兵不返恐不測生變顯忠知宏淵無固志勢
不可孤立嘆曰天未欲平中原邪何沮撓如此遂夜
引還至符離師大潰是舉所喪軍資器械殆盡幸而
金不復南時張浚在盱眙顯忠往見浚納印待罪

周密

齊東野語近見四朝史張浚傳云符離軍潰浚方鼻
息如雷此是心學益取某公紀事中意據密之說亦
以四朝史為未可信也而後人舉此以詆浚者紛紛
不一考符離師潰浚時方在盱眙相去幾四百里鼻

張浚欲遣邵宏
淵既無擇將之
明迫宿州甫下
金人來攻復不
預籌策應委孤
城于兩將而已
反遠處于相距
四百里之盱眙
身任總戎竟若
置身局外及聞
兵潰遠還揚州
惟以自劾了事
于兩將罪狀不
為分別重輕轉
致李顯忠安置
遠州邵宏淵仍

息如雷之說何從附會即此四朝
史之妄不辯可知矣今附取于此

浚以劉寶為鎮江

諸軍都統制乃渡淮入泗州撫將士遂還揚州上疏

自劾

初廣漢蘇雲卿與張浚為布衣交紹興間結廬
南昌之東湖漕園自給人稱曰蘇翁浚為相屬

洪州帥及漕禮致之帥漕易服為二客往見翁叩其
鄉里曰廣漢客曰張德遠廣漢人翁當識之何如人
也曰賢人也第長于知君子短于知小人德有餘而
才不足因問德遠今何官客曰今朝廷起張公欲了
此事翁曰此恐怕他未便了得在帥漕因出金幣書
函具道浚意雲卿佯期以語朝上謁比往迎則已遁
矣及是符離師潰議者稱雲卿
先見且以其言為浚定論云

六月庚申朔日食

為統制厥罰失
平浚復然無一
語符離之敗論
者歸咎于浚固
非刺責也

貶張浚為江淮宣撫使安置李顯忠于潭州

考宋史孝宗紀顯忠

先貶節副譙筠州再貶團副譙漳州續綱目
混合為一今依顯忠本傳歸重再貶書漳州

宿師之還士大夫主和者皆云浚之非帝賜浚書曰

今日邊事倚卿為重卿不可畏人言而懷猶豫前日

舉事之初朕與卿任之今日亦須與卿終之浚乃以

魏勝守海州陳敏

字元功泗州石城人

守泗州戚方守濠州郭

振守六合治高郵巢縣兩城為大勢修滁州關山

石即

駝山在滁州西北
清流關之北口也

以扼敵衝聚水軍淮陰馬軍壽春

大飭兩淮守備帝復召浚子棻入奏事浚附奏曰自古有為之君心腹之臣相與協謀同志以成治功今臣以孤蹤動輒掣肘陛下將安用之因乞骸骨帝覽奏謂棻曰朕待魏公有加雖乞去之章日上朕決不許帝對近臣言必曰魏公未嘗斥其名每遣使至督府必令視浚飲食多寡肥瘠如何至是帝以符離師潰乃議講和召湯思退為醴泉觀使奉朝請而下詔罪已于是尹穡

字少稷宛州人居玉山

附思退劾浚遂降授浚

特進樞密使充宣撫治揚州顯忠責授果州團練副
使潭州安置而邵宏淵仍前建康都統制後朝廷知
其故復顯忠太尉奉祠

宏淵尋貶靖州團練
副使南安軍安置

辛次膺罷

次膺以疾祈免且奏曰王十朋雖上親擢天下皆知
臣薦其賢湯思退名將至亦知臣嘗疏其奸遂罷奉
祠陛辭帝甚惜其去次膺奏曰臣與思退理難同列
帝曰有謂思退可用者次膺曰今日之事恐非思退

能辦思退固不足道竊恐有悞國家耳

秋七月以湯思退為尚書右僕射同平章事兼樞密使

思退復相諫議王大寶

字元龜其先由溫陵徙潮州

論之不報

八月復以張浚都督江淮軍馬

陳俊卿以浚降秩徙治上疏曰若浚不用宜別屬賢將如欲責其後効降官示罰可也今削都督重權置揚州死地如有奏請台諫沮之人情解體尚何後効之圖議者但知惡浚而欲殺之不復為社稷計願下

詔戒中外協濟使浚自効疏入帝悟即復浚都督浚
遂以劉寶為淮東招撫使

金人復以書徵地及歲幣詔淮西安撫幹辦官盧仲賢
報之

赫舍哩志寧以書貽三省密院云故疆歲幣如舊及
稱臣還中原歸附人即止兵不然當俟農隙征戰帝
以付張浚浚言金強則來弱則止不在和與不和時右
相湯思退秦檜黨也急于求和參政周葵

字立義常州宜興人

守自治之說

方出師渡淮蔡請對謂不可輕舉兵累數百言及符離師潰帝思其言遂拜參

知政事蔡始終守其前說

續綱目作陳康伯周蔡

洪遵皆上疏請和考宋史三人傳俱未嘗請和惟蔡

守自治之說而已續

工部侍郎張闡

注見前

獨曰彼欲

綱目不可從今改輯

和畏我耶愛我耶直款我耳力陳六害不可許帝曰

朕意亦然姑隨宜應之乃遣盧仲賢持報書如金師

云海泗唐鄧等州乃正隆渝盟之後本朝未遣使之

前得之至于歲幣固非所較第兩淮凋瘵之餘恐未

如數仲賢陛辭帝勅以勿許四郡而思退等命許之

張浚奏仲賢小人多妄不可委信不聽既而命廷臣
議金帥所言四事其說不一帝曰四州歲幣可與名
分歸附人則不可從也

冬十月立賢妃夏氏

袁州宜春人

為皇后

帝初納郭氏

開封祥符人

為妃生鄧王惲

即莊文太子

慶王愷

恭王惇

即光宗

邵王恪而薨夏氏生有祥徵父協奇之

及長以資納于宮中為吳太后閣中侍御太后以夏

氏賜帝至是立為后

協既納女資匱居貧乃歸客素之僧舍號夏翁而死后訪得其

弟執中補閤門祇候執中與其妻至京宮人諷使出之擇配貴族欲以甥后執中不為動他日后親為言執中以宋宏語對后不能奪執中既貴始從師學作大字頗工復善騎射帝聞其才欲召用之執中謝曰他日無累陛下保全足矣人以此益賢之

十一月盧仲賢還有罪除名遣審議官胡昉如金軍

仲賢至宿州布薩忠義懼之以威仲賢皇恐言歸當稟命遂以忠義遺三省密院書來上其畫定四事仍如志寧前書所言帝大悔張浚遣子拭入奏仲賢辱國無狀帝怒遂下大理問其擅許四州之罪奪三官

尋除名竄郴州而湯思退遽以王之望

字瞻叔襄陽穀城人充

金國通問使龍大淵副之許割棄四州求減歲幣之

半

初之望為都督府參贊軍事不欲戰請入朝因奏人主論兵與臣下不同惟奉承天意而已竊觀天

意南北之形已成未易相無我之不可絕淮而北猶敵之不可越江而南也移攻戰之力以自守自守既固然後隨機制變擇利而應會右正言陳良翰

字邦彥台

之思退悅其言故奏遣之

州臨海人

言前遣使已辱命大臣不悔前失而復遣王之

望是金不折一兵而坐收四千里要害之地決不可

許四州也若歲幣則俟得陵寢然後與庶為有名今

議未決而之望遽行恐其辱國不止于仲賢願先馳
一介往俟議決然後行未晚也遂以胡昉為金國通
問所審議官張浚亦力言金未可與和請帝幸建康
以圖進兵帝乃手詔王之望等以禮物待命境上而
令胡昉先往諭金以四州不可割之意如必欲得四
州則當追還使人罷和議矣

詔廷臣集議和金得失台張浚還

陳康伯等言金人通和朝廷遣盧仲賢報之其所論

最大者三事我所欲者削去舊禮彼亦肯從彼所欲者歲幣如數我不深較其未決者彼欲得四州而我以祖宗陵寢欽宗梓宮為言未之與也乞召張浚歸國特垂咨訪仍命侍從臺諫集議帝從之羣臣多欲從金人所請張浚及湖北京西宣諭使虞允文起居郎胡銓監察御史閻安中上疏力爭以為不可與和湯思退怒曰此皆以利害不切于己大言誤國以邀美名宗社大事豈同戲劇

以朱熹為武學博士

熹應召入對言君父之讐不與共戴天今日所當為者非戰無以復讐非守無以制勝時相湯思退方倡和議不悅除武學博士後與洪适

字景伯
皓長子

論不合而

歸

十二月陳康伯罷以湯思退張浚為尚書左右僕射並同平章事兼樞密使浚仍都督江淮軍馬

甲申二年

金大定四年

春正月金人執胡昉尋遣還

昉至金金人以失信執之帝聞昉被執謂浚曰和議不成天也自此事當歸一矣詔王之望以幣還既而璞薩忠義以書進金主金主覽之曰行人何罪即遣還邊事令元帥府從宜措置

三月張浚視師江淮金軍退

自符離師潰棄
宗心懷畏怯失
計欲和乃胡昉
見執知和議之
不足以止金師
遂激而為戰守

初湯思退恐和議不成奏請以宗社大計奏稟上皇而後從事帝批示三省曰金無禮如是卿猶欲議和今日敵勢非秦檜時比卿議論秦檜不若思退大駭

之記而其中仍無定見也批示三省諸語點似嚴切而不能奮發有為終於空言無補且未幾而邊備撤和使遣思退誠慕椅不若孝宗之柔懷亦豈大遜於高宗哉

人方有符離之捷且屯據重兵軍威大振何至聞浚視師遽

續綱目此下即載王之望奏及錢端禮言考宋史張浚傳之望奏係于詔浚視師之後湯思退傳又係于命浚行邊之前兩傳本屬牴牾續綱目混合為一以浚之視師專為罷兵張本叙浚尤不明晰今一依浚傳以之望奏改叙

俄詔浚行視江淮時浚所招徠山下罷浚條日內

東淮北之士以實建康鎮江兩軍凡萬二千人萬弩營所招淮南壯士及江西羣盜又萬餘人陳敏統之以守泗州凡要害之地皆築城堡其可因水為險者皆積水為圯增置江淮戰艦諸軍弓矢器械悉備金人方屯重兵為虛聲脇和有刻日決戰之語及聞浚

有撤兵之舉况
淮北山東歸附
之衆徒擁虛聲
而契丹勢已衰
微卽應援何足
為患則謂金人
益懼時宋文誘
飾之詞非常時
實事也

復視師亟撤兵歸于是淮北之來歸者日不絕山東
豪傑悉願受節度復以蕭錡契丹望族沈勇有謀欲
令盡領降衆且以檄諭契丹約為應援金人益懼
夏四月罷張浚判福州

先是湯思退陽乞奉祠陰謀去浚遂令王之望等驛
奏兵少糧乏樓櫓器械未備人言委四萬衆以守泗

州非計

會戶部侍郎錢端禮亦言兵食日增調發不
支乞以符離之潰為戒錢端禮字處和臨

安帝頗惑之至是思退又諷右正言尹穡論浚跋扈

且費國不貲奏令張深守泗不受趙廓之代為拒命
復論督府叅議官馮方罷之浚乃請解督府詔以錢
端禮王之望宣諭兩淮而召浚還端禮入奏言兩淮
名曰備守守未必備名曰治兵兵未必精蓋詆浚也
浚留平江凡八上疏乞致仕帝察其忠欲全其去乃
命以少師保信節度使判福州右司諫陳良翰侍
御史周操言浚忠勤人望所屬不當使去國皆坐罷

六月甲寅朔日食

秋七月撤兩淮邊備

兩淮為南朝屏蔽縱使交好無嫌亦當勤修守禦何以和議未定邊備先除作此束手待命之狀乎總因湯思退祖述秦檜之故智以為非是恐開罪於金人耳思退固無足責孝宗亦任其所為豈非庸懦幸而金世宗意在息兵邀時苟免向使棄其不

時湯思退急欲和好之成遂罷築壽春城散萬弩營兵輟修海船毀拆水匱不推軍功賞典後更撤海泗唐鄧之戍

八月少師保信節度使魏公張浚卒

諡忠獻

浚既去朝廷遂決棄地求和之議浚猶上疏言尹穡奸邪必誤國事或勸浚勿復以時事為言浚曰吾荷兩朝厚恩久居重任今雖去國惟日望上心感悟苟

備席捲長驅靖
康之禍人將再
見於目前矣

有所見安忍弗言行次餘干得疾手書付二子拭杓
曰吾嘗相國不能恢復中原雪祖宗之恥即死不當
葬我先人墓左葬我衡山足矣數日卒贈太保後帝

思浚忠加贈太師

浚幼有大志及為熙河幕官徧行
邊壘乃觀山川形勢時時與舊戍

將握手飲酒問祖宗以來守邊舊法及軍陣方略之
宜故一旦起自疏遠當樞筦之任志能通知邊事本
末在京城中國親見二帝北行生民塗炭誓不與敵俱
存故終身不主和議然才疎而果于自用量福而暗
于知人是以國事鮮濟師徒屢絀沒身有遺恨焉
續綱目于終身不主和議下引宋史浚傳論云時以
浚之忠大類漢諸葛亮比擬差過今節錄劉
定之宋史斷纂採柯維騏宋史新編改輯

邱濬曰浚學雖正而術則疎謀雖深而機則淺原其
心不可謂不忠于宋而考其行事有富平之敗淮西
之變符離之潰區區江左奔敗之餘奄奄之氣僅續
能堪此幾敗耶元揭傒斯以來南渡之不能復歸其
罪于浚未可
以為非也

遣宗正少卿魏杞

字南夫
青春人

使金

孝宗見張浚懷
慨任事謂可倚
以成功迨師潰
符離便已奪氣
至浚死而拱手
綢姬殿殿乎車
楫建炎法矣
所稍異於高宗

湯思退奏遣杞如金議和書稱姪大宋皇帝某再拜
奉于叔大金皇帝歲幣二十萬帝面諭杞曰今遣使
一正名二退師三減歲幣四不發歸附人杞條陳十
七事擬問對帝隨事畫可陞辭奏曰臣將旨出疆豈

者此猶外卑屈而中未能甘高宗則低首下心表裏如一耳

敢不免萬一無厭願速加兵帝善之

兵部侍郎胡銓言敵不可和臣

恐再拜不已必至稱臣稱臣不已必至請降請降不已必至納土納土不已必至與觀與觀不已必至如

晉帝青衣行酒而後為快今日舉朝之士皆婦人也不聽

金以完顏守道

本名錫里陳王希尹之孫錫里舊作習泥烈今改按此與八十一卷之錫里非

一人為尚書右丞

金主謂守道曰卿等每奏皆常事凡治國安民及朝

政不便于民者未嘗及也如此則宰相之任誰不能

之

九月詔湯思退都督江淮軍馬思退辭不行

思退急欲求和諷侍御史尹穡言乞置獄取不肯撤
備及棄地者二十餘人論罪因擢穡諫議大夫至是
命思退都督江淮固辭乃以楊存中為同都督

冬十月詔輔臣晚對便殿

詔曰朕每聽朝議政頃刻之際意有未盡自今執政
大臣或有奏陳宜于申未間入對便殿庶可坐論得
盡所聞期躋于治

思退以和議得
幸惟恐出師有
功多方沮掣其
誤國無異於秦
檜之相高宗至
陰遣人如金令
以重兵脅和懷
私責國竟不知
是何肺腑奸惡
更浮於檜其罪
尚可勝誅乎

金兵復渡淮十一月魏勝拒戰于淮揚敗績死之楚州破
湯思退以帝悔悟恐事不成陰遣孫造諭金以重
兵脇和金布薩忠義等遂議渡淮魏杞行次盱眙忠
義遣趙房長問杞所以來之意求觀國書杞曰書御
封也見主當廷授房長馳白忠義疑國書不如式又
求割商秦之地及歸附人且欲歲幣二十萬杞以聞
帝命盡依初式許割四州歲幣亦如其數再易國書
忠義猶以未如所欲遂與赫舍哩志寧分兵自清河

口以攻楚州都統制劉寶棄城遁時勝奉詔專一措置清河口金人乘間以舟載器甲糗糧自清河出欲侵邊勝覘知之帥忠義士拒于河口金兵詐稱欲運糧往泗州由清河口入淮勝欲禦之劉寶戒以方議和不可金兵軼境勝帥諸兵拒于淮揚自邠至申勝負未決金圖克坦克寧帥生兵至勝力戰矢盡依土阜為陣謂士卒曰我當死此得脫者歸報天子乃令步卒居前騎兵為殿至淮陰東十八里中矢墜馬死

楚州遂破

金兵尋入濠州都統制王彥棄昭關走滁
州亦破時魏杞雖已易書帝怒金人反覆

詔以禮物犒督府師杞奏金若如約而金繒不具恐
格事機乃行已而帝用錢端禮言復遣國信所大通
事王抃持周葵書如金師得金帥報書以歸杞乃渡淮
續綱目以王抃如金師附載前使魏杞如金條後
與孝宗本紀叙次前
後不合今改輯于此

以楊存中都督江淮軍馬

時諸軍各守分地不相統一存中集諸將調護之于
是始更相為援朝議欲舍淮保江存中持不可乃已

湯思退以罪竄永州道死

言者論其主和誤國之罪遂落職永州居住太學生

張觀等七十二人伏闕上書論思退及王之望尹穡

姦邪誤國鉤致敵人之罪乞斬三人以謝天下併竄

其黨洪适晁公武

字子正
鉅野人

而用陳康伯胡銓陳良翰

王十朋金安節虞允文王大寶陳俊卿黃中龔茂良

字實之興
化軍人

張栻劉夙查籥

字元章
海陵人

以濟大計思退行

至信州聞之憂悸而死

復以陳康伯為尚書左僕射同平章事兼樞密使錢端

禮簽書樞密院事虞允文同簽書院事

金兵渡淮人情驚駭時張浚已卒皆望陳康伯相乃
自紹興召拜康伯力疾至闕下詔子安節壻文好謙
掖以見減拜賜坐間日一會朝許乘肩輿至殿門給
扶升殿非大事不署帝又思允文之言故并召而用
之

詔王之望勞師江上閏月金人逼揚州之望以罪免
金人至揚州或請擊之楊存中不敢渡江獨臨江固

壘以自守之望與湯思退表裏專以割地啖金為得計帝詔都督擇利害擊金軍之望下令諸將不得妄進朝廷趣行之望言王抃既還不可冒小利害大計言者論之遂免

金以女真字譯經史

乙酉 乾道元年

金大定五年

春正月召楊存中還

罷都督府以存中為寧遠昭慶節度使又罷兩淮及陝西河東宣撫招討使

二月左僕射同平章事陳康伯卒

諡文恭

康伯奏事出殿門疾作與至第卒帝擇日臨奠子安

節固辭乃止

康伯以經濟自任臨事明斷帝嘗謂輔臣曰康伯有器量其從容不迫可比晉謝安

三月以虞允文參知政事王剛中同知樞密院事

剛中嘗言戰守者實事和議者虛名不可恃虛名害

實事居政府未幾卒

在六月

允文尋亦罷

在八月

魏杞還自金始正敵國之禮

杞至燕山金館伴張恭愈以國書稱大宋賜杞去大

金史世宗紀載魏杞以國書來不稱大稱姪宋皇帝與宋史異

則此所云脇杞
去大字已無足
深信且兩國名
稱相均當為敵
體姪猶子也宋
既稱姪稱名其
與石晉之于契
丹相去有幾而
以不去大字為
正敵國禮所謂
不揣其本而齊
其末宋史臣虛
詞夸大豈能掩
其實乎

字杞拒之具言天子神聖才傑奮起人人有敵愾意

北朝用兵能保必勝乎金君臣環聽拱竦金主許損

歲幣不發歸附人命元帥府罷兵分戍杞卒正敵國

禮而還帝慰籍甚厚

先是王朴還因救沿邊被兵州軍詔曰比遣王朴遠抵潁濱得

其要約尋澶淵盟誓之信仿大遼書題之儀正皇帝之稱為叔姪之國歲幣減十萬之數地界如紹興之時憐彼此之無辜約叛亡之不遠可使歸附之士咸起寧居之心洪适所草也論者謂前日之所貶損四方蓋未聞知今著之教文失國體矣

夏五月金以布薩忠義為尚書左丞相赫舍哩志寧為

平章政事

先是和議既定命元帥府諸新舊軍以六萬人留戍
餘並放還又以宋國歲幣賞諸軍於是都元帥布薩
忠義先還拜尚書左丞相尋召左副元帥赫舍哩志
寧入見拜平章政事諭曰南服雖定尚須卿往規畫
志寧迺還駐南京

六月以洪适簽書樞密院事

适拜簽書帝謂錢端禮虞允文曰三省事可與洪适

其議自是東西府始同班奏事

未幾以適
參知政事

秋八月立鄧王惲為皇太子大赦

惲帝長子也

錢端禮罷

時久不置相端禮以首參闕之甚急太子惲夫人端
禮女也殿中侍御史唐堯封論端禮帝姻不可任執政
坐遷太常少卿館閣士相與上疏排端禮者皆被斥
吏部侍郎陳俊卿言本朝不以戚屬為相陛下所宜

守帝納其言端禮憾之出俊卿知建寧及太子立
端禮不得已引嫌奉祠

冬十二月以洪适為尚書右僕射同平章事兼樞密使

汪澈為樞密使葉顥

字子昂興化軍仙遊人

參知政事

适以文學聞望遭時遇主自中書舍人半歲四遷至

右相然無大建明以究其所學既而以霖雨引咎乞

罷帝從之

在明年三月

澈在樞府帝密訪人材澈薦百有

十八人嘗奏言臣起寒遠所以報國無私不欺爾未

幾罷

在明年四月

顯由資政殿學士拜參知為林安宅所

劾落職奉祠

在明年五月

事尋白仍召知樞密

先是林安宅請兩淮

行鐵錢葉顯執不可已而安宅同知樞密遂劾奏顯
子受富民錢百萬得為監軍帝罷顯下其事于臨安
府既置對安宅失實貶
居筠州在明年八月

丙戌二年

金大定六年

春二月金左丞相布薩忠義卒

忠義謙以接下敬儒重士與人交侃侃如也善馭將
卒能得死力為宰輔數年知無不言故能以外戚兼任
將相以功名終

夏五月修建康行宮

冬十一月寧遠昭慶節度使楊存中卒

諡武恭

存中出入宿衛四十年忠義勇敢而寡過大小二百餘戰未嘗大衄上皇最眷念之

十二月以葉顥魏杞為尚書左右僕射同平章事兼樞密

使蔣芾

字子禮常州宜興人

參知政事陳俊卿同知樞密院事

顥召知樞密未拜進僕射首薦汪應辰王十朋陳良

翰周操陳之茂林光朝

字謙之莆田人

等可備執政侍從臺

用人固當隨才
器使賢愚各由
生所固不妨並
進兼收若姦盜

法所必懲豈宜
進用葉顯之言
蓋指管仲陳平
者流耳然管陳
不常有而姦盜
非盡有奇才也
顯于龍大淵隱
約其辭飾為不
經之說思欲遷
就調停不得謂
之蓋誠建白也

諫帝嘉納又言自古明君用人使賢使愚使姦使盜

惟去泰甚蓋指龍大淵也初帝未能屏鞠戲又將遊

獵白石

注見前

俊卿上疏力諫至引漢桓靈唐敬穆以

為戒帝喜曰所奏備見忠謹朕決意用卿矣遂有樞

副之命

置制國用司以宰相領之

議者言近以宰相兼樞密使蓋欲使知兵也而不知
財穀出入之源可乎且唐制宰相兼領三司使于是

詔自今宰相可帶制國用使參知政事帶同知

八年二月

罷之

丁亥三年

金大定七年

春二月出龍大淵為浙東總管曾覲為

福建總管

大淵覲怙寵擅權周必大

字子充一字洪道廬陵人

金安節等嘗

極論之多坐斥至是中書舍人洪邁言于陳俊卿曰

大淵覲言鄭聞當除右史某當除西掖信乎俊卿以邁

言質于帝帝怒遂出二人于外

帝從太上皇幸玉津園

在杭州府錢塘縣龍山北紹興中建隆興後為帝與羣臣燕射

之所復從幸聚景園

在錢塘縣清波門外

歲以為常

三月秀王夫人張氏卒

帝成服于後苑

夏五月太傅四川宣撫使新安王吳璘卒

諡武順

璘病革呼幕客草遺表曰願陛下毋棄四州毋輕出

兵不及家事及卒贈太師追封信王

璘剛勇喜大節畧計細代兄玠

守蜀二十年隱然為方面之重威聲亞于玠上皇嘗問勝敵之術于璘璘對曰弱者出戰疆者繼之上皇

之幸所至原欲
同知民間疾苦
而毫擾累民間
且省方問俗之

曰此孫武子三馬之法一敗而二勝也璘選諸將率
以功有薦才者璘曰兵官非常試難知其才以小善
進之則僥倖者獲志而邊人宿將之心怠矣璘既卒
議擇代帝謂允文曰無以易卿凡事無效張浚迂濶
遂以允文為
四川宣撫使

六月皇后夏氏崩

諡曰
安恭

尋攢于修吉寺

秋七月太子惇卒

諡曰
莊文

九月金主幸保州詔察訪所過州縣官

金主秋獵次保州詔修起居注王天祺察訪所過州

平意金世宗每
出必嚴防郡邑
吏擇官彈壓而
吏吏材否尤留
思訪察可謂得
兩政之本矣

縣官又謂侍臣曰近聞朕所幸郡邑凡堂宇曾經宴
寢者後皆避之此甚無謂可宣諭令仍舊居止又嘗
諭宰臣曰朕每次舍秣馬之具皆假于民間多亡失
不還其主此彈壓官不職可擇人代之所過即令詢
問有似此者並償其值

冬十一月合祀天地于圜丘雷葉顓魏祀免

帝以郊祀而雷出非時用漢制罷顓祀相顓為人簡
易清介與物若無忤至處大事則毅然不可奪罷歸

後尋卒

諡正簡

以陳俊卿參知政事劉珙同知樞密院事

珙自湖南召還授翰林學士上言世儒多病漢高帝
不說學輕儒生臣以為漢高帝所不說者特腐儒俗
學耳使當時有以二帝三王之學告之知其必敬信
功烈不止此因陳聖王之學所以明理正心為萬事
之綱帝稱善遂拜樞副珙因薦張栻汪應辰陳良翰
學行于帝

十二月金出富察通

舊作蒲察通
今改後仿此

為肇州防禦使

通為殿前右衛將軍金主惡其人出之于外臨發賜金帶諭之曰卿雖有才然用心多詐朕左右須忠實人故命卿補外賜卿金帶者答卿服勞之久也因顧謂左宣徽使敬嗣暉曰如卿不可謂無才所欠者純實耳又諭宰臣曰卿等舉用人才凡已所知識必使他人舉奏朕甚不喜如其果賢何必以親疎為避忌也

戎四年

金大定八年

春二月以蔣芾為尚書右僕射同平章

事兼樞密使

詔芾常朝贊拜不名芾辭許之

夏五月行乾道歷

帝以近世歷學失傳士大夫無習之者新歷比舊特
彼善于此乃不別製名祇以乾道命名

秋八月劉珙罷

主管殿前司公事王琪奉詔按視兩淮城堡還薦和

州教授劉甄夫帝命召之陳俊卿言教官有才何與
其事劉珙遂呼珙詰責之珙謝後不敢會揚州奏珙
擅令增築新城俊卿奏珙詐傳上旨非小故珙遂削
秩珙時同在帝前爭之尤力言忤帝意遂罷珙奉祠
俊卿復言奏實臣草當先罷臣且珙正直有才若以
小事獲罪自此大臣皆阿順持祿非國家福乃改珙
帥江西

冬十月起復蔣芾為尚書左僕射以陳俊卿為右僕射

並同平章事兼樞密使帝辭許之

帝于六月以母喪去位至是起復之有密旨欲令歲
大舉帝奏天時人事未至帝不悅

大閱于茅灘

在錢塘縣西南江濱

帝親御甲冑指授方略為方圓銳直四陣戈甲耀日
旌旗蔽天六師驩踴犒賚有加

十二月召建州布衣魏掞之

字子實初字元履建州建陽人

以為太學錄

掞之師胡憲與朱熹遊諸司薦其學行召赴行在

習武經兵固國
家要務但是時
兩淮邊備猶未
修復復僅簡閱
禁軍以戈甲耀
日旌旗蔽天為
誇相之詞何濟
丁事乃有今歲
大舉之言自欺
欺人真不值一

入對帝曰治道以何為要揆之秦治道以分臣下邪
正為要詔除太學錄時將釋奠孔子揆之請廢安石
父子勿祀而追爵程氏兄弟使從食不聽又言太學
之教宜以德行為先今一以空言浮說取之非是其
他政事有係安危治亂之機者無不抗疏盡言至三
四皆不見省遂罷為台州教授尋以病卒聞者惜之
西遼普蘇完殺其夫蕭都爾本舊作柔魯
不今改其舅烏拉琳
討誅之而立耶律卓勒古舊作直魯
古今改

普蘇完與都爾本弟布固濟蘇沙喇

舊作朴古只沙里今改

通出

都爾本為東平王而殺之都爾本之父

續綱目作舅誤今改

鄂

囉羅以兵問罪遂殺布沙堪及博果濟薩里迎伊呼

次子珠勒呼立之改元天禧

巳丑五年

金大定九年

春正月措置兩淮屯田

陳俊卿以兩淮備禦未設民無固志萬一寇至倉猝

調兵恐不及事請于揚州和州各屯三萬人仍籍民

家三丁者取其一以為義兵授之弓弩教以戰陣農

隙之日給以兩月之食聚而教之沿江諸郡亦用其
法諸將渡江則使之城守以備緩急且以陰制州兵
頡頏之患其兩淮諸郡守臣但當擇才不當復論文
武計資歷捐以財賦許辟官吏略其小過責其成功
要使大兵屯要害必爭之地待敵至而決戰使民兵
各守其城相為犄角以壯聲勢帝意亦以為然詔即
行之然竟為衆論所持俊卿尋亦去位不能及其成
也

二月以王炎

字晦叔婺源人

參知政事三月召四川宣撫使虞

允文還以炎代之

陳俊卿薦虞允文才堪將相故有是命允文至以為

樞密使

夏五月帝不視朝六月始視朝

以射弩弦斷傷目故也

陳俊卿言于帝曰陛下未能忘騎射者蓋志圖恢復耳誠

能任智謀之士仗武猛之將明賞罰恢信義則英聲義烈不出尊俎而敵人已震懼于萬里之遠何待區

區馳射于百步之間哉願

以今日之事永為後戒

射為六藝之一習射固所不廢處承平之日已當安不忘危況在偏安僻處之際乎孝宗留意

馳射尚屬志

足有為或可藉

此以先勞厲衆

然亦何至弩強

傷目亦可謂無

能之甚矣而後

卿遂有當永為

後戒之辭爾時

君若日之設施

若此何怪其終

不能恢復中原

乎

秋七月以曾覲為浙東總管

先是龍大淵死覲在福建帝憐欲召之劉珙奏曰此
曹奴隸厚賜之可也引以自近使得預聞政事非所以
增德業振紀綱也帝納劉珙言命遂寢既而覲垂滿
陳俊卿恐其入預請以浙東總管處之覲入見詔進
覲一官為觀察使俊卿及虞允文諫不可竟申浙東
之命覲怏怏而去

八月甲申朔日食

以陳俊卿虞允文為尚書左右僕射並同平章事兼樞密使

俊卿以用人為已任所除吏皆一時之選獎廢退抑奔競或才可用而資歷淺者則密薦于帝未嘗語人每接朝士及牧守自遠至必問以時政得失人才賢否允文為相亦以人才為急嘗籍為三等有所見聞即記之號材館錄故所用皆知名士

庚寅六年

金大定十年

春三月金以宗叙

世祖孫

為參知政事

金主謂宗叙曰卿昨為河南統軍時言黃河堤埽利害甚合朕意朕每念百姓差調官吏互為姦弊若不早計而迫期徵歛民增十倍之費為害非細卿既參朝政當盡革諸弊擇利而行之又諭左丞石琚

字子美定

州人

曰女真人徑居達要不知閭閻疾苦汝等自丞簿

至是民間何事不知凡有利害宜悉敷陳

夏四月罷吏部尚書汪應辰

應辰剛方正直敢言不避在朝多革弊政中貴人皆

上皇謂水銀買
自汪尚書家者

宗既聞此言卽
當詳加體察如
其事果實則以
大臣而沽直牟
利譴責固所應
加否則宜為之
辨白乃懷其夙
昔建言之嫌勃
然詰譴致應辰
不安其官復假
他事以罷是非
大公至正之道
以致有實非買
應辰家之疑案
蓋孝宗既不能
處之以光明正

側目上皇方甃石池以水銀浮金鳧魚于上帝過之
上皇指示曰水銀正乏此買之汪尚書家帝怒曰汪
應辰力言朕建房廊與民爭利乃自販水銀邪應辰
聞之力求去會賜發運使史正志緡錢二百萬為均
輸和糴之用應辰三上疏論之遂出知平江府然水
銀實非買應辰家也

五月陳俊卿罷

虞允文建議遣使如金以陵寢為請俊卿以為不可

大故不免在祖
應辰者為疑似
之言也

允文請不已帝手札諭俊卿俊卿奏曰陛下痛念祖
宗思復故疆然大事須萬全俟一二年吾力稍完乃
可不敢迎合意指以誤國事帝意方嚮允文俊卿以
論不合因力求去遂判福州陞辭猶勸帝遠佞親賢
修政安民泛使不可輕遣

夏相任得敬賜其主仁孝中分其國請命于金金主不許
初仁孝之嗣位也國內多亂任得敬抗禦有功遂
相夏國專政二十餘年陰蓄異志欲圖夏國誣殺宗

親大臣其勢漸逼仁孝不能制是歲乃分西南路及

靈州囉龐嶺

在寧夏府靈州西

地與得敬自為國且上表于

金為得敬求封金主以問宰相尚書令李石等曰事

繫本國我何預焉不如因而許之金主曰有國之主

豈肯無故分國與人此必權臣逼奪非夏主本意况

夏國稱藩歲久一旦逼于賊臣朕為四海主寧容此

邪若彼不能自正則當以兵誅之不可許也乃却去

貢物賜仁孝詔曰先業所傳亦當固守今茲請命事

頗靡常未知措意之由來續當遣使以詢爾得敬始有懼心未幾仁孝誅得敬遣使謝金主慰之

閏月以起居郎范成大

字致能
吳郡人

為全國祈請使

宋之陵寢陷于金地自當急圖克還故壤但初無恢復之謀徒以一介行李乞哀願請誰則憐其志而無端割地以界之且遣使既以祈請為名而所爭乃在受書小節雖史稱成大金節而

求陵寢地及更定受書禮蓋泛使也紹興中金使者至捧書升殿北面立榻前跪進帝降榻受書以授內侍金主初立使者至陳康伯令伴使取書以進及湯思退當國復循紹興故事帝意悔之故令成大口以為請成大至金密草奏具言受書式懷之入初進國

歸其于時事果
何裨益邪

書辭氣慷慨金君臣方傾聽成大忽奏曰兩國共為

叔姪而受書禮未稱臣有疏播笏出之金主大駭曰

此豈獻書處邪左右以笏標起之成大屹不動必欲

書達既而歸館所金庭紛然其太子允恭欲殺成大或

勸止之竟得全節而歸

其復書略云和好再成界河山而如舊賊音遽至指鞏洛

以為言既云廢祀欲申追遠之懷止可奉還即侯刻期之報至若未歸之旅觀亦當並發于行塗抑聞附

請之辭欲變受書之禮于尊卑之分何如顧信誓之誠安在于是二事皆無成功初議遣使祈請陵寢

大夫有憂其無備而召兵者輒斥去之起居郎張栻入對帝曰卿知敵國事乎栻對曰不知也帝曰全國

饑饉連年盜賊四起拭曰金人之事臣雖未知境內之事則知之矣帝曰何也拭曰臣竊見北平諸道多水旱民貧日甚而國家兵弱財匱官吏誕謾不足倚賴正使彼實可圖臣懼我之未足以圖彼也帝默然久之拭復奏曰臣竊謂陵寢隔絕誠臣子不忍言之至痛然今日未能奉辭以討之又不能正名以絕之乃欲卑辭厚禮以求于彼則于大義已為未盡而或猶以為憂者蓋見我未有必勝之形故也夫必勝之形當在于早正素定之時而不在于兩陣決機之日今日但當下哀痛之詔明復讐之義顯絕金人不與通使然後修德立政用賢養民選將練兵以內修外攘進戰退守通為一事必治其實而不為虛文則必勝之形隱然可見雖有淺陋畏怯之人亦且奮躍而爭先矣帝深納之

冬十月高麗翼陽公皓廢其君覲而自立

恢復大計惟當
斷之于心即欲
集思廣益亦何
難謀定廟堂以
決勝算奚必待
置局而後議耶
孝宗聞趙雄之
請而喜徙博恢

皓暉弟也以讓國奏于金金主曰讓國大事也必皓
篡之耳卻其使而命有司詳問皓復取暉表言父遺
訓傳位于皓金主乃封之

十一月遣中書舍人趙雄

字溫叔
資州人

如金

起居舍人趙雄請置局議恢復帝喜進中書舍人遣
如金賀生辰別函書請陵寢及更受書之禮金主不
許雄辭歸金主謂雄曰汝國何舍欽宗而請鞏洛山
陵如不欲欽宗之柩我當為爾國葬之

辛卯七年

金大定十一年

春正月朔上太上皇尊號

復虛名以掩其
偷安之迹非真
能銳志有為也
及遣使出疆仍
因生辰致賀而
別函所白復舍
欽宗而諱山陵
一經詰責便無
詞以對卒之輩
洛葵視一品孝
宗其能無愧于
心乎

金禁羣臣相饋獻

過宮侍宴邦家非常之慶漢唐所無也又曰本朝家
法遠過漢唐惟用兵一事未及朕以敵讐未復日不
遑暇如宮中臺殿上皇時為之朕未嘗敢增益上皇
列觀徘徊周覽為之興嘆頗訝其不飾也

尚書省奏汾陽節度副使牛信昌生日受饋獻法當

奪官金主曰朝廷行事苟不自正何以正天下尚書省樞密院生日節辰饋獻不少此而不問小官饋獻即加按劾豈正天下之道自今宰執樞密饋獻亦宜罷去

帝作敬天圖

帝謂輔臣曰無逸一篇享國長久皆本於寅畏朕近日取尚書所載敬天事編為兩圖朝夕觀覽以自警省名曰敬天圖虞允文對云惟陛下盡躬行之實敬

畏不已必有明效大驗帝深然之

二月立恭王惇為皇太子大赦進封慶王愷為魏王

莊文太子卒慶王愷以次當立帝以恭王惇英武類
已越次立之而進封愷為魏王判寧國府帝謂輔臣
曰古人以教子為重其事備見于文王世子須當多
置僚屬博選忠良使左右前後罔非正人不然一薛
居州亦無益也尋以王十朋陳良翰為太子詹事劉
焞為國子司業兼太子侍讀復詔皇太子領臨安戶

三月金葬欽宗皇帝於鞏洛之原

以一品禮

以張說

開封人

簽書樞密院事未拜而罷

說妻吳氏太上皇后女弟也說因攀緣親屬擢拜樞
府命下朝論譁然未有敢誦言攻之者左司員外郎
兼侍講張栻獨上疏切諫且詣朝堂責虞允文曰宦
官執政自京黼始近習執政自相公始允文慙憤不
堪栻復奏文武誠不可偏然今欲右武以均二柄而

所用乃得如此之人非惟不足以服文吏之心正恐反激武臣之怒帝感悟命遂寢

夏五月起復劉珙為荆襄宣撫使珙固辭不起

珙安撫江西以憂去及起復凡六疏懇辭引經據禮詞甚切至最後言曰三年通喪先王因人情而節文之三代以來未之有改至于漢儒乃有金革無避之說此固已為先王之罪人矣然尚有可諉者曰魯公伯禽有為為之也今以陛下威靈遘陞幸尚無警臣

乃冒金革之名以私利祿之實不又為漢儒之罪人

乎帝納其言為寢前詔

珙乃手疏別奏畧曰天下之事有其實而不露其形者無

所為而不成無其實而先示其形者無所為而不敗今德未加修賢不得用賦歛日重民不聊生將帥方割削士卒以事苞苴士卒方饑寒窮苦而生怨謗凡吾所以自治而為恢復之實者大抵濶略如此而乃外招歸正之人內移禁衛之卒規摹未立手足先露其勢適足以速禍而致寇且荆襄四支也朝廷元氣也誠使朝廷設施得宜元氣充實則犂庭掃穴在反掌間耳何荆襄之足慮如其不然則荆襄雖得臣革百人悉心經理亦何足恃哉臣恐恢復之功未易可圖而意外立至之憂將有不可勝言者惟陛下圖之

冬十月金人遣使致聘

金使烏凌噶

舊作烏林達今改

天錫來賀生辰要帝降榻問

金主起居虞允文請帝還內命知閣門事王抃諭天錫以明日會慶節就見天錫沮退

金主幸太子宮

金主謂太子曰朕為汝措天下當無復有經營之事汝惟無忘祖宗純厚之風以勤修道德為孝明信賞罰為治而已昔唐太宗謂高宗曰吾伐高麗不克終汝可繼之如此之事朕不以遺汝如遼之海濱王以

國人愛其子嫉而殺之此何理也子為衆愛愈為美
事所為若此安有不亡唐太宗又嘗謂高宗曰爾于
李勣無恩今以事出之我死宜即授以僕射彼必致
死力矣君人者焉用偽為受恩于父安有忘報于子
者乎朕御臣下惟以誠實耳

壬辰八年

金大定十二年

春二月改左右僕射為左右丞相以虞

允文梁克家

字叔子泉州晉江人

為之並兼樞密使

尋又省侍中中書令尚書令之官以左右丞相充其

位

罷左司員外郎兼侍講張栻

宰相陰主張說欲伸前命故出栻知袁州栻在朝僅
一年召對至六七所言皆修身務學畏天恤民抑僥
倖屏譏諛宰相近習皆憚之

復以張說簽書樞密院事罷侍御史李衡

字彥平江都人

等四人

侍御史李衡右正言王希呂

字仲行宿州人

論說不可執

政直學士院周必大不草答詔給事中莫濟

字子齊吳興人

封還錄黃帝詔翰林學士王曠草制權給事中姚憲
書行而罷四人都人作四賢詩以紀之

夏四月金右丞相赫舍哩志寧卒

金主嘗宴羣臣于太子宫顧志寧謂太子曰天下無
事吾父子今日相樂皆此人力也及卒甚悼惜之曰
志寧臨敵身先士卒勇敢之氣自太師梁王後未有
如此人也

秋七月金罷保安

注見前

蘭州

續綱目作蘭安考金史地
理志有蘭州無蘭安續綱

目蓋仍夏國傳之訛今
改正蘭州注亦見前

權場

金主謂宰臣曰夏國以珠玉易我絲帛是以無用易

我有用也命罷之

後承安
中復置

罷虞允文為四川宣撫使

帝命選諫官允文以李彥穎

字秀叔湖
州德清人

林光朝王質

字景文興
國軍人

對三人皆鯁亮有文學為時所推重帝不

報而用曾覲所薦者允文梁克家爭之不從允文遂
力求去授四川宣撫使進封雍國公陞辭帝諭以進

取之方期日會河南御正衙酌酒賦詩以遣之

冬十一月金去金銀坑冶之稅

不禁民採

癸巳九年

金大定十三年

夏五月壬辰朔日食

金禁女真人譯為漢姓

帝王繼緒貽麻
延國祚于勿替
惟當敬念先業
無忘舊風如周
家以農事開基
故無逸首重民
依幽風備陳衣

金主嘗謂宰臣曰會寧乃國家興王之地自海陵遷
都永安女真人寢忘舊風朕少時常見女真風俗迄
今不忘今之燕飲音樂皆習漢風蓋以備禮也非朕

食示重本也金世宗悵悵于女真純實舊俗恐後世漸染漢人風氣至文字語言或不通曉諄切教誡既禁譯為漢姓復禁學南人衣飾敦本務實體前刑而格來茲思慮最為深遠豈北魏遼元之見異思遷者所能彷彿其萬一哉

心所好東宮不知女真風俗第以朕故猶尚存之恐異時一變此風非長久之計甚欲一至會寧使子孫得見舊俗庶幾習效之又嘗御審思殿命歌者歌女真詞顧謂皇太子及諸王曰朕思先朝所行之事未嘗暫忘故時聽此詞亦欲令汝輩知之汝輩自幼惟習漢人風俗不知女真純實之風至于文字語言或不通曉是忘本也汝輩當體朕意至于子孫亦當遵朕教誠至是禁女真人毋得譯漢姓

未幾復以會寧府為上京

冬十月梁克家罷以曾懷

字欽道
晉江人

為右丞相

克家時獨相貴戚權幸不多假借而外濟以和至是

以議金使朝見受書儀朝廷欲移文泗州示金生辰

使完顏襄使正其禮克家以為不可與張說

時說同
知樞密

院不合遂求去出知建寧既而金果不從

說尋知樞
密院事既

而帝知其
欺罔罷之

甲淳熙元年

金大定
十四年

春二月少保四川宣撫使雍公虞

允文卒

諡忠
肅

先是帝密詔趨師期允文奏軍需未備帝不樂至是
帝遣二介持御札賜之介至而允文卒數日矣詔贈
太傅

夏四月以姚憲參知政事葉衡

字夢錫婺州金華人

簽書樞密院

事

六月憲罷以衡代之

衡奏牧守將帥必擇材以稱其職必久任以盡其材
帝從之

冬十一月甲申朔日食

以龔茂良參知政事

茂良除禮部侍郎帝亟進用之手詔問故事有自從
官徑除執政例遂有是命

曾懷罷以葉衡為右丞相兼樞密使

衡有才智由小官不十年至宰相人謂出于曾覲

乙未二年

金大定十五年

夏四月宴輔臣于玉津園

帝謂葉衡等曰朝廷用人止論其賢否如何不可有

黨援錮習最足
為人心風俗之

惠當朝政清明
舉措公當門戶
攻訐之技自無
所施固一定之
理也孝宗論列
牛李黨事及用
人大綱未嘗不
明于治體乃未
幾入邦彥之謬
而葉衡罷忤曾
說之黨而龔茂
良罷所謂公是
公非者安在言
之易而行之難
孝宗能無愧于
心乎

黨如唐之牛李其黨相攻四十年不解皆緣主聽不
明所以至此文宗乃言去河北賊易去朝中朋黨難
朕常笑之為人主者但公是公非何緣有黨又曰近
來士大夫好倡為清議此語一出竊恐相率成風便
以趨事赴功者為猥俗以矯激沽譽者為清高駸駸不
已如東漢激成黨錮之風深害治體豈可不戒邪等
宜書諸紳

秋八月以左司諫湯邦彥為金國申議使九月葉衡罷

帝諭執政選使求河南陵寢地葉衡奏邦彥有口辯
宜使邦彥請對問所以遣知薦出于衡恨之因奏衡
對客有訕上語帝大怒罷衡

贈趙鼎太傅追封豐國公

謚忠簡

高麗將趙位寵以四十餘城叛附金金主不受

位寵高麗西京留守也以慈悲嶺

在朝鮮國平壤城東

至鴨綠

江

注見前

四十餘城叛附于金金主曰朕懷綏萬邦豈

助叛臣為虐執其使付高麗位寵伏誅

閏月以李彥頴參知政事

時湯邦彥新進奉使于金冀僥倖集事彥頴奏邦彥

輕脫必悞國不從

丙午三年

金大定十六年

春三月丙午朔日食

夏四月金始命增置外府學及京府女真學

京府設學金史選舉

志及溫特赫吉達傳稱大定十三年續綱目據世宗紀作十六年今仍之考選舉志是年又設諸路府學不止女真學紀不分晰續綱目綱書始命京府設學目則專叙女真學今依志傳改輯溫特赫吉達舊作溫廸罕締達今改

先是金置太學

大定六年

及是又命增置外府學

其科曰詞賦曰

經義曰宋論謂之進士曰律科曰經
童謂之舉人曰宏詞則制舉科也

又有專試女真

人科

始于大定四年頒行女真大小字所譯經書于
是與女真字學多擇明安穆昆內良家子為生于

京師康給九年以國史院編修溫特赫吉達字學
最號精深命教諸生習作詩策後復定為策論謂

之女真進士科又命京師增設女真國子學諸路設

女真府學亦同漢進士三年一試之制

又定宗室宰
相子程試等

第其後二十八年

復增置女真太學

夏六月召朱熹為秘書郎不至

先是陳俊卿劉珙薦熹為樞密院編修官累召不至

梁克家奏乞褒錄之帝曰熹安貧守道廉退可嘉命
主管台州崇道觀至是龔茂良言熹操行耿介除秘
書郎熹以改官之命正以嘉其廉退顧乃冒進擢之
罷是左右望而罔市利也力辭不至會復有言虛名
之不可用者遂改主管武夷山沖佑觀史浩復薦熹
知南康軍再辭不許至南康值歲不雨講求荒政多
所全活間詣郡學引士子與之講論訪唐李渤白鹿

洞書院

在江西南康府星子縣北廬山五老峯下唐李渤讀書廬山常畜一白鹿相隨因以名洞

南唐于此建學宋初始
置書院後廢朱熹復建

遺址奏復其舊為學規俾守

之

湯邦彥有罪流新州

邦彥至金金人拒不納旬餘乃引見夾道之士皆控
弦露刃邦彥怖不能措一辭而還帝怒其無狀詔流
新州自是陵寢之議遂息

冬十月立貴妃謝氏

丹陽人

為皇后

后幼孤鞠于翟氏因冒姓翟及長被選入宮侍太上

皇后后以賜帝累冊貴妃夏后崩宮中虛位妃侍帝
過德壽宮太上諭帝立之復姓謝氏

丁酉四年

金大定十七年

春正月高麗致貢于金

高麗遣使謝金不納叛金有司奏高麗所進玉帶乃
石似玉者金主曰小國無能識辨誤以為玉耳且人
不易物惟德其物若復却之豈政體也

二月帝謁孔子廟遂臨太學

金葬宋遼宗室于河南廣寧

本遼奉先軍金置府明改衛今為縣屬奉天錦州府

舊陵

三月金免河北山東等路租稅

河北山東陝西河東西京遼東等十路旱蝗金主詔
免其租稅又賑東京博索哈斯罕三路尚書省奏三
路粟不能周給金主曰朕嘗語卿等遇豐年即廣糴
以為備卿等皆言天下倉廩盈溢今欲賑濟乃云不
給夫蓄積為國家長計朕之積粟豈欲獨用之邪今
既不給可于都道取濟自今預備當以為常

夏六月罷龔茂良放之英州

自葉衡罷茂良行相事

凡再踰歲帝迄不置相因謂茂良曰史官近奏三台星不

明蓋實報

會帝思史浩自明州召為醴泉觀使兼侍

具選耳

講茂良亦覺眷衰求去帝曰朕以經筵召浩卿不須

疑既而曾覲欲以文資錄其孫茂良以文武官各以

本色蔭補格法繳進覲因茂良入堂道間俾直省官

賈光祖等當道不避街司叱之光祖曰參政能幾時

茂良奏曰臣固不足道所惜者朝廷大體帝諭覲往

茂良以奉求
去已不免于悖
悖至尚吏倚勢
故于顧抗參政

不過一無知去
人何足與較亦
何致遂傷大體
執泰己爲過當
徑取而撻之不
更過乎不能懲
忿而因以惟慙
茂良實失之乎
急而孝家始事
調停終加詰責
亦不得謂非徇
于私見也

謝茂良取光祖于臨安府撻之御札宣問施行太遽
茂良待罪帝遣使諭復位曾覲黨謝廓然賜出身除
殿中侍御史中書舍人林光朝繳還詞頭帝怒罷光
朝光朝與茂良同里茂良遂引疾求去出知建康猶
手疏恢復六事帝曰卿五年不說恢復何故今日及此
退朝甚怒曰福建子不可信如此廓然因劾之遂責
降英州安置父子卒于貶所

秋七月罷王雱從祀孔子

九月丁酉朔日食

戊戌五年

金大定十八年

春正月侍御史謝廓然請禁有司毋以

程頤王安石之說取士

未幾秘書郎趙彥中復疏言科舉之文成式具在今
乃祖性理之說以浮言游詞相高士之信道自守以
六經聖賢為師可矣而別為洛學飾怪驚愚外假誠
敬之名內濟虛偽之實士風日弊人才日偷望詔執
事使明知聖朝好惡所在以變士風帝從之

三月以史浩為右丞相兼樞密使王淮

字季海
金華人

知樞密

院事趙雄參知政事

帝謂浩曰自葉衡罷虛席以待卿久矣

夏四月以陳俊卿判建康府

時曾覲王朴甘昇三人盤結擅政進退大臣權震中外士大夫爭附之俊卿自興化赴建康過闕入對因極言三人招權納賄薦進人才而以中批行之等事且曰去國十年見都城穀賤人安惟士大夫風俗大

變帝曰何也俊卿曰向士大夫奔覲林之門十才一
二尚畏人知今則公然趨附已七八不復顧忌矣人
才進退由私門大非朝廷美事臣恐二人壞朝廷紀
綱廢有司法度敗天下風俗累陛下聖德帝感其言
秋七月太尉提舉萬壽觀李顯忠卒

諡忠
襄

顯忠復官後賜第臨安帝常奇其狀貌魁傑命繪像
閣下及卒贈開府儀同三司

顯忠志復中原見忤秦
檜屢遭廢黜符離之役

又為邵宏淵所
忌竟無成功

冬十一月史浩罷以趙雄為右丞相王淮為樞密使錢

良臣

字友魏
華亭人

參知政事

樞密都承旨王抃建議募補殿步二司軍虛額輒捕
市人軍士乘隙掠取民財浩奏盡釋所捕而擒軍民
首讎呶者送獄獄成議取兵民各一人斬以徇浩又
奏始釁者軍人也法固當民陸慶童特與抗鬪爾何
可同罰帝怒乃求去後有言慶童之寃者帝始悔不
從浩言

己亥六年

金大定十九年

夏旱詔求直言

知南康軍朱熹上疏

畧曰天下之務莫大于卹民而卹民之本在人君正心術以立

紀綱蓋紀綱不能以自立必人主之心術公平正大無偏黨反側之私然後有所繫而立君心不能以自正必親賢臣遠小人講明理義閉塞私邪然後可得而正今宰相臺省師傅賓友諫諍之臣皆失其職而陛下所與親密謀議者不過一二近習之臣使陛下之號令黜陟不復出于朝廷而出于一二人之門名為陛下獨斷而實此一二人者陰執其柄臣恐莫大之禍必至之憂近在朝夕而陛下獨未知之帝讀之大怒曰是以我為亡也諭趙雄令分析雄言于帝曰士之好名陛下疾之愈甚則人之譽之愈衆無乃

適所以高之不若因其長而用之彼漸當事任能否
自見矣帝以為然詔以熹提舉江西常平茶鹽

庚子七年

金大定二十年

春二月魏王愷卒

諡惠憲

愷寬慈為帝深愛雖出于外心每念之賜賚不絕及
卒帝泣然曰向所以越次建儲正為此子福氣差薄
耳二子櫨柄櫨早卒

右文殿修撰張栻卒

栻病且死猶手疏勸帝親君子遠小人信任防一已

之偏好惡公天下之理天下傳誦之卒年四十八帝

間之嗟嘆不已朱熹與黃幹

字直卿福州閩縣人

書曰吾道益

孤矣

執類悟風成又浚受之自幼學所教莫非仁義忠孝之實長師明宏宏以孔門論仁親切之旨

告之執退而思若有得焉宏稱之曰聖門有人矣執
蓋自奮勵以古聖賢自期作希顏錄為人表裏洞然
勇于從義無毫髮滯吝每進對必自盟于心不可以
人主意輒有所隨順帝每言伏節死義之臣難得執
對當于犯顏敢諫中求之若平時不能犯顏敢諫他
日何望其伏節死義者又言難得辦事之臣執對陸
下當求曉事之臣不當求辦事之臣若但求辦事之
臣則他日敗陛下事者未必非此人也其達小人尤
嚴為都司日肩輿出遇曾觀觀舉手欲揖執急掩其
冠帽觀怒手不得下所至郡暇日召諸生告語民以

事至處必隨事開曉具為任款大抵以正禮俗明倫紀為先斥異端毀淫祠而崇社稷山川古先聖賢之祀拭開道甚蚤朱熹嘗言己之學乃銖積寸累而成如散失則大本卓然先有見者也拭所著論語孟子說太極圖說洙泗言仁錄語為武侯傳經世紀年行于世嘗言曰學莫先于義利之辨義者本心之當為非有為而為也有為而為則皆人欲非天理也學者稱為南軒先生

夏五月以周必大參知政事謝廓然簽書樞密院事

必大為翰林學士幾六年制命溫雅周盡事情為一時詞臣之冠及拜參政帝謂之曰執政子宰相同當和而不同前此宰相議事執政更無語何也必大對

曰大臣自應互相可否自秦檜當國執政不敢措一辭後遂以為當然陛下虛心無我人臣乃欲自是乎雖小事不敢有隱則大事何由蔽欺帝深然之

冬十二月資政殿學士致仕胡銓

諡忠簡

辛丑八年

金大定二十一年

春正月詔罷內侍兼兵職

時擬以德壽宮提舉陳源帶浙西副總管給事中趙

汝愚

字子直漢恭憲王元佐七世孫居饒之餘干縣

論駁以為不當帝諭宰

中官典兵為患最甚前代即不具論徽宗之任童貫覆轍不速時擬乃欲令陳源兼浙西總管

執曰汝愚言有理且可防微杜漸進呈太上亦以為

意出廷臣安知
非與源交通者
孝宗惟因汝愚
論駁中止其事
而不究其議倡
自何人則邪誣
之徒何由知畏
未幾而源恃恩
專恣甚至廝役
補官專橫若此
惟以一竄了事
及光宗立源以
黃緣復用煽禍
無窮不可謂非
孝宗姑息貽患
也

然遂詔自今內侍不得兼兵職樞密院遵守永為定

制

秋七月著作郎呂祖謙

字伯恭婺州人卒

祖謙先為著作郎以末疾乞祠歸帝命修皇朝文鑑既

成除直秘閣是年仍遷著作郎兼國史院編修卒

祖謙

為英簡五世孫自其祖好問始居婺州其學本家庭
有中原文獻之傳長從林之奇汪應辰胡憲游而友
張栻朱熹學以關洛為宗旁稽載籍心平氣和不立
崖異少卞急一日誦孔子躬自厚而薄責于人之言
忽覺平時忿懷渙然冰釋朱熹嘗言學如伯恭方是
能變化氣質其所講畫將以開物成務既臥病而任

重道遠之志不衰居家之政皆可以為後世法著讀書記大事記皆未成書考定古周易書說閭範官箴辨志錄行于世學者稱為東萊先生

八月趙雄罷

雄自四川幕官陳恢復之策為帝所奇不數年致位右相每進見必言二帝在沙漠未嘗離諸口也及帝眷衰有言雄多私里黨者帝疑之會陳峴

字壽南溫州平陽人

帥四川命從中出雄遂求去乃出知瀘州

以王淮為右丞相兼樞密使

淮既相問太子侍讀楊萬里

字廷秀吉州吉水人

曰宰相先務

何事萬里曰人才淮因問其人萬里即疏朱熹袁樞

字機

仲建安人以下六十人

九月以朱熹提舉浙東常平茶鹽冬十二月下熹社倉

法于諸路

浙東大饑王淮薦熹即日單車就道召入對首陳災異之由與修德任人之說因及時政之缺凡七事帝深納之熹始拜命即移書他郡募米商蠲其征及至

則米已糴集熹日鉤訪民隱按行境內單車屏徒從
所至人不及知郡縣官吏憚其風采至自引去所部
肅然凡政有不利于民者悉釐革之有短熹者謂其
疏于為政帝謂王淮曰朱熹政事卻有可觀淮言修
舉荒政是行其所學民被實惠宜進職以旌之乃進
熹直徽猷閣熹言乾道四年民艱食熹請于府得常
平米六百石賑貸夏受粟于倉冬則加息計米以償
自後隨年欵散歛蠲其息之半大饑則盡蠲之凡十有

四年以元數六百石還府見儲米三千一百石以為

社倉不復收息每石止收耗米三升以故一鄉四十

五里間雖遇歉年民不缺血詔下其法于諸路

其法以十

家為甲甲推一人為首五十家則推一人通曉者為社首其逃軍及無行之士與有稅糧衣食不缺者並不得入甲其入甲者又問其願與不願願者問其一家大小口若干大口一石小口五斗五歲以下者不預置籍以貸之其以濕惡不實還者有罰

壬寅九年

金大定二十二年

秋九月以朱熹為江西提刑熹解不

拜

朱熹行部至台知州唐仲友

字與政
金華人

為其民所訟熹

按得其實而仲友與王淮同里且為姍家已除江西

提刑未行而熹論之淮匿其章不以聞

時淮拜
左丞相

熹論

益力章前後六上淮不得已奪仲友江西新命以授

熹熹辭不拜遂乞奉祠

癸亥十年

金大定二
十三年

春正月以黃洽

字德潤
福州侯官人

為御史中丞

洽為中丞盡言無隱然所論列未嘗擯撫細故嘗奏
云因言固可以知人輕聽亦不至于失人帝深然之

洽為人質直端重有大臣體嘗言家居不欺親仕不欺君仰不欺天俯不欺人幽不欺鬼神何用求福哉

二月內侍陳源有罪竄郴州

源提舉德壽宮恃恩專恣其廝役亦補官帝聞而惡之乃竄郴州籍其家以進德壽宮

夏六月監察御史陳賈請禁道學

王淮以唐仲友之故怨朱熹欲沮之吏部尚書鄭丙

字少融福州長樂人

雅厚仲友且迎合淮意乃上疏言近世士

大夫有所謂道學者欺世盜名不宜信用帝已惑其

說淮又以太府丞陳賈為監察御史賈因面對首論
曰邪正之辨誠與偽而已表裏相副是之謂誠言行
相違是之謂偽臣伏見近世道學之徒其說以謹獨
為能以踐履為高以正心誠意克己復禮為事夷考
其所為則大不然是假其名以濟其偽也臣願陛下
明詔中外痛革此習每于聽納除授之間考察其大
擯斥勿用蓋指熹也帝從之

後直學士院尤袤以程氏之學為陳賈所攻言

于帝曰道學者堯舜所以帝禹湯文武所以王周公孔孟所以設教近立此名詆訾士君子故臨財不苟

得所謂廉介安貧守道所謂恬退擇言顧行所謂踐履行已有恥所謂名節皆日之為道學此名一立賢人君子欲自見于世一舉足且入其中俱無得免此豈盛世所宜有願循名責實聽言觀行人情處不壞于疑似帝曰道學豈不美之名正恐假託為姦真偽相亂尤表字延之常州無錫人

冬十一月壬戌朔日食

甲辰十一年

金大定二十四年

春三月金主如會寧

金主將如會寧諭太子守國太子以不諳政務辭金主曰政事無甚難但用心公正毋納讒邪久之自熟太子乃受守國寶

乙丑十二年

金大定二十五年

夏四月金主還燕

金主曲赦會寧府放免今年租稅百姓年七十以上者補一官謂羣臣曰上京風物朕自樂之每奏還都輒用感愴祖宗舊鄉不忍舍去萬歲之後當置朕于太祖之側卿等無忘朕言遂宴宗室宗婦于皇武殿賜官賞賚有差曰尋常朕不飲酒今日甚欲成醉此樂亦不易得也宗室婦女及羣臣故老以次起舞進酒金主曰吾來數月未有一人歌本曲者吾自為汝

觀至此而不攬
然惕懍然失
然感者亦無人
心者矣

等歌之具詞道王業艱難及繼述之不易至慨想祖
宗宛然如覩歌畢泣下羣臣宗戚捧觴上壽皆稱萬
歲于是諸夫人又歌本曲如私家之會既醉金主復
續調至一鼓乃罷明日發上京宗室戚屬奉辭金主
曰太平歲久國無征徭汝等皆奢縱往往貧乏朕甚憐
之當務儉約無忘祖宗艱難因泣下數行宗室戚屬
皆感泣而退金主遂行

丙午十三年

金大定二十六年

夏五月宴講臣于秘書省

以進讀陸贄奏議終篇賜侍讀蕭燧

字照鄰臨江軍人

等御筵及金器鞍馬帝召宰執賜酒從容語曰

自古人主讀書少有知道知之亦罕能行之唐德

宗豈不知書然所行不至與陸贄論事皆使中人傳

旨且事有是非面相詰難猶恐未盡傳旨安能盡邪

投機之會間不容髮惟其若此誤事多矣故朕每事

以德宗為戒

賜處士郭雍

字子和其先洛陽人

號頤正先生

雍父忠孝師事程頤著易說號蕪山先生雍傳其學
通世務隱居峽州乾道中守臣薦于朝召不起帝稔
其賢每對輔臣稱道之命所在州郡歲時致禮存問
至是賜號頤正先生令部使者遣官就問雍所欲言
備錄來上時雍年八十三矣

秋八月日月五星聚軫

丁十四年

金大定二十七年

春二月以周必大為右丞相施師

點

字聖與上饒人

知樞密院事

時封事多言大臣異同必大曰各盡所見歸于一是
豈可尚同陛下復祖宗舊制命三省覆奏而後行正
欲上下相維非止奉文書也師點先拜參知政事
十
八月帝謂曰卿靜重有守識慮深遠朕欲用卿久矣及
是遂有是命

秋八月以留正

字仲至泉州永春人從效六世孫

參知政事

正制置四川以簡素化民既而以簽樞召還

事在十三

年間歸裝僅書幾簏而已人服其清及是乃參
七月

知政事

九月太上皇有疾冬十月帝罷朝侍疾赦

太上皇崩遺詔太上皇后改稱皇太后帝致喪三年

太上皇崩帝號慟擗踊踰二日不進膳謂王淮等曰
晉孝武魏孝文實行三年喪服何妨聽政司馬光通
鑑所載甚詳淮對曰晉武雖有此意後來在宮中止
用深衣練冠帝曰當時羣臣不能將順其美光所以

譏之自我作古何害于是詔曰大行太上皇帝奄棄
至養朕當衰服三年羣臣自遵易月之令百官五上
表請帝還內聽政不許至十二月辛丑禪祭百官釋
服復三上表請御殿聽政不許

遣使如金

以上皇崩遣韋璞如金告哀復遣顏師魯

字幾聖彭州龍溪人

致太上遺留物于金金主以其中玉器五玻璃器二
十及弓劍之屬命師魯歸報曰此皆兩國前主珍玩

之物所宜寶藏以無忘追慕今受之義有所不忍也
十一月詔皇太子參決庶務

帝始以白布巾袍視事于延和殿朔望詣德壽宮則
衰經而杖如初因詔太子參決庶務于議事堂左諭
德尤褻言于太子曰大權所在天下之所爭趨甚可
懼也願殿下事無大小一取上旨而後行情無厚薄
一付衆議而後定又曰儲副之位止于侍膳問安不
交外事撫軍監國自漢至今多出權宜事權不一動

有觸礙乞俟祔廟之後便行懇辭以彰殿下令德

十二月大理寺奏獄空

金禁女真人學南人衣飾

金主嘗謂從官曰女真舊風最為純直汝等當習學之不可忘也又曰凡資用當務節省勿妄費至是禁女真不得學南人衣飾

戊十五年

金大定二十八年

春正月復置補闕拾遺官

時倣唐制立官帝自除左補闕薛叔似

字家先其先河東人從承

唐虞之世事陶為士師可謂戚矣典護所載一則曰惟刑之恤再則曰刑期于無刑而五刑五刑亦祇施以明允而已成康刑措不用蓋承文成立嗣陳紀之後務在恭慎仰成然其說亦始于漢世而其時之稱文景者惟

曰刑罰大者皆
者得全非若邱

邑循吏之粉飾

則空也大理獄

空之說自宋李

始神宗高宗與

此而三大元豐

紹興間政治紛

厘淳熙亦無善

理可紀安得此

英成周跡其故

不過事多廢弛

意復姑息一切

概置不問如是

而謂為獄空亦
何足取讀書論

嘉

等已而叔似上疏劾王淮帝曰卿等官以補闕拾
遺為名專主規正人主不任糾劾今所奏乃類彈擊
甚非設官命名之意宜思自警

二月金遣使弔祭

帝遣中書檢正公事京鏜

字仲遠豫章人

為報謝使金人循

故事設宴用樂鏜力辭金人不可鏜率其屬竟出館
門館使以白金主曰南朝直臣也命如其請及還帝
以其能執禮特進官權工部侍郎

世則其真偽固
不待辨而自明
矣

三月葬永思陵

在紹興府會稽縣東南寶山

洪邁請廟號世祖尤哀言光武以長沙王後布衣崛起不與哀平相繼其稱祖無嫌太上中興雖同光武

實繼徽宗正統以子繼父非光武比乃定號高宗

史臣曰高宗恭儉仁厚以之繼體守文則有餘撥亂反正則不足當其初立因四方勤王之師內相李綱外任宗澤澤天下之事宜無不可為者顧乃播遷窮僻生失事機始惑于正黃終制于秦檜偷安忍恥匿怨忘親以貽來世之幾悲夫

夏四月祔高宗主于太廟

下詔曰朕比下令欲衰經三年羣臣屢請御殿易服故以布素視事內殿雖有俟過祔廟免從所請之詔然稽諸典禮心實未安行之終制乃為近古宜體至意勿復有請

五月王淮罷

淮為相能盡心事上惟以唐仲友故為道學之禁毒痛善類論者譏之

六月以朱熹為兵部郎官既而罷之貶侍郎林栗

字黃中福

州福清人 知泉州

王淮既罷周必大薦熹為江西提刑入奏事或要于路曰正心誠意之論上所厭聞慎勿復言熹曰吾平生所學惟此四字豈可隱默以欺吾君乎及入對首言

天理人欲之辨

畧曰陛下居虛明應物之地而天理有所未純人欲有所未盡是以為善

不能充其量除惡不能去其根一念之頃公私邪正是非得失之機交戰于中願自今以往一念之頃必察夫天理人欲果天理邪則敬以充之而不使少有壅閼果人欲邪則敬以克之而不使少有礙滯推而至于言語動作之間用人處事之際無不以是裁之則聖心洞徹而天下之事將惟陛下所欲為無不如

志
帝曰久不見卿浙東之事朕自知之今當處卿清

要不復以州縣為煩也時曾覲已死王汴已逐獨內

侍甘昇尚在熹力論之帝曰昇有才熹曰小人無才

安能動人主除兵部郎官熹以足疾乞祠兵部侍郎

林栗與熹論易西銘不合遂疏論之

疏曰熹本無學術徒輯張載程頤之

緒餘謂之道學妄自推尊所至輒攜門生數十人習為春秋戰國之態妄希孔孟歷聘之風今採其虛名將置朝列而熹間命還延邀索高價既經陞對得旨除郎而傲睨累日不肯供職緣熹既除兵部在臣合有統攝若不舉劾取罪維均望將

熹停罷以為事君無禮者之戒

帝謂栗言過當而

大臣畏栗之彊莫敢深論乃命熹依舊江西提刑周必大言熹上殿之日足疾未瘳免強登對帝曰朕亦

見其跛曳左補闕薛叔似亦奏言之

太常博士葉適上疏曰考栗勅

熹之辭始末參驗無一實者特發其私意而遂忘其欺耳至于其中謂之道學一語利害所繫要不獨于熹蓋自昔小人殘害忠良率有指名或以為好名或以為立異或以為植黨近又創為道學之目鄭丙倡之陳賈和之若要津者密相付授見士大夫有稍自潔修者輒以道學之名歸之以為善為玷缺以好學為己愆相與指目使不得進于是賢士惴惴中才解體銷聲滅影藏德垢行以避此名往往日王淮表裏臺諫陰疾正人益用此術眾為侍從無以達陛下之德意志慮而更襲用鄭丙陳賈密相付授之說以道學

為大罪文致語言逐去一熹固未甚害第恐自此滿
詞無實證言構生良善受禍何所不有伏望陛下正
紀綱之所在絕欺罔于既形摧折暴橫以扶善類奮
發剛斷以慰公言疏入不報

葉適字正則永嘉人

會胡晉臣

字子遠
蜀州人

拜侍御史首劾栗喜同惡異無事

而指學者為黨乃出栗知泉州而熹亦除直寶文閣
奉祠而去

秋七月恩平王璩卒

帝友愛甚至每召璩內宴呼以官而不名賜予無算
卒追封信王

八月甲子朔日食

冬十二月以朱熹為崇政殿說書熹辭不至

熹既歸投匭進封事言大本急務大本者陛下之心
急務則輔翼太子選用大臣振舉紀綱變化風俗愛
養民力修明軍政凡此六事皆不可緩而本在于陛
下之一心一心正則六事無不正一有人心私欲以
介其間則雖憊精勞心不可為矣疏入夜漏下七刻
帝已就寢急起秉燭讀之終篇明日除主管西太一

宮薰崇政殿說書薰力辭乃以秘閣修撰奉祠

己酉十六年

金大定二十九年

春正月金主殂孫璟立

是為章宗

金主之太子允恭先卒以孫原王瑪達格

舊作麻達葛今改

判大興尹又以為右丞相更名璟使親見朝廷議論習

知政事之體至是金主殂璟即位追號金主曰世宗

允恭曰顯宗母圖克坦氏為太后

世宗于金最為賢主以昭德后為凌

阿氏守節而死終身不立后推尚儉素命宮中之飾勿得用黃金嘗謂近臣曰朕于宮室惟恐過度其或興修即損宮人歲費以充之至于佛法尤所未信梁武帝為同泰寺奴違道宗以民戶賜寺僧復加以三

公之官其惑深矣又曰亡遼日屠羊三百亦豈能盡用徒傷生耳朕每當食時嘗思貧民饑餒猶在已也彼身為惡而口祈福何益之有嘗謂宰相曰卿等在省未嘗薦士止限資格安能得人又曰卿等職居輔相曾無薦舉惟朕嘗言某人可用然後從而言之卿等既無所言必待朕知而後進用將復有幾又曰帝王之政固以寬慈為德然梁武帝專務寬慈以致綱紀大壞朕常思之賞罰不濫即是寬政又曰朕觀唐史見太宗行事初甚勵精晚年與羣臣議多飾詞朕嘗思始終如一今雖年高敬慎之心無時或怠又曰朕自即位以來言事者雖有狂妄未嘗罪之卿等未嘗肯盡言何也當言而不言是相疑也君臣無疑謂之嘉會事有利害可竭誠言之即位五載南北講和與民休息羣臣守職上下相安家給人足倉廩有餘刑部斷死罪歲或十七人國人號稱小堯舜然舉賢之急求言之切不絕于口而羣臣不能將順其美以底

大順

惜哉

以周必大留正為左右丞相

帝自高宗崩即欲傳位太子嘗諭必大曰禮莫重于
事宗廟而孟享多以病分詣孝莫大于執喪而不得
日至德壽宮欲不退休得乎因密賜紹興傳位親札于
必大命預草詔專以奉几筵侍東朝為意而進必大
為首相

二月辛酉朔日食

高宗崩未逾二
年帝即傳位名
雖託于孝實則
急于政蓋知恢
復之難成人恐
延白之難拒故
為是退避之計
其視人臣之託
言高尚者更為
可鄙

帝傳位于太子太子即位

是為光宗

尊帝為壽皇聖帝皇后

為壽成皇后皇太后為壽聖皇太后大赦

先是更德壽宮為重華宮皇太后徙居慈福宮帝傳
位太子遂素服退居重華宮

立皇后李氏

安陽人慶遠節度使道之女

后父道帥湖北閬道士皇甫坦

蜀之夾江人

善相人乃出

諸女拜之坦見后驚不敢受拜曰此女當母天下坦
言于高宗遂聘為恭王妃生嘉王擴性妬悍常訴帝

左右于高宗及壽皇高宗不憚謂吳后曰是婦將種
吾為皇甫坦所誤壽皇亦屢訓敕令以皇太后為法
不然行當廢汝后疑其說出于太后憾之至是立為
后

三月廢補闕拾遺官

御史中丞謝諤

字昌國臨江軍新喻人

論其不可廢不聽自是

近臣罕進言者

夏五月周必大罷

初何澹

字自然處州龍泉人

與必大厚為司業久不遷留正奏

遷之澹由是憾必大而德正為諫議大夫首上疏攻必

大罷之

知閤門事姜特立

字邦傑麗水人

有罪免

特立帝東宮舊臣也帝即位命知閤門事聲勢寢盛

留正列其招權預政之罪乞斥逐之帝意未決會參

知政事缺特立謁正曰上以丞相在位久欲遷左相

葉

翥

張


杓即復子

二尚書當擇一人執政未知孰先正奏

之帝大怒詔特立奉祠壽皇聞之曰留正真宰相也



御批歷代通鑑輯覽卷八十八



總校官進士 臣程嘉謨

校對官編修 臣周厚輅

膳錄監生 臣彭邦經